

# APB Rembau e-Bulletin

e-ISSN: 2682-776X

Edition: 13/2024

## EDITORIAL BOARD

### PATRON

Prof. Dr. Yamin Yasin

### COORDINATOR

Nur Faathinah Mohammad Roshdan

### CHIEF EDITOR

Assoc. Prof. Dr. Soo Kum Yoke, Carolyn

### EDITORIAL COMMITTEE

Ooi Sing Ee

Khairon Nisa Shafeei

Shahrul Muhazad Shahrudin



**Kem Bestari Solat di Sekolah  
Kebangsaan Yamtuan Lenggang,  
Tanjung Ipoh**

*Ditulis oleh: Norshida Hashim*

*Syahirah Almuddin*

Persatuan Bahasa Arab Kampus Kuala Pilah melalui Akademi Pengajian Bahasa Kampus Kuala Pilah telah menerima jemputan dari Sekolah Kebangsaan Yamtuan Lenggang sebagai fasilitator Kem Bestari Solat Peringkat Sekolah 2023. Kem ini telah berlangsung pada 14 Oktober 2023 bermula jam 8 pagi sehingga jam 1 tengahari bertempat di sekitar sekolah tersebut.

Seramai 20 orang pelajar daripada Persatuan Bahasa Arab dan 2 orang pensyarah Bahasa Arab Kampus Kuala Pilah telah terlibat sebagai fasilitator dalam kem tersebut. Pelajar sekolah yang mengambil bahagian dalam kem Bestari Solat adalah seramai 83 orang peserta melibatkan pelajar tahap 1 dan tahap 2.

Secara khususnya, Kem Bestari Solat ini dilaksanakan untuk memastikan setiap murid beragama Islam dapat menguasai tatacara berwuduk dan amali solat dengan sempurna meliputi aspek perlakuan dan juga bacaan. Penghayatan amali wuduk dan solat yang efektif berupaya membentuk jati diri

murid yang lebih mantap dari segi rohani, jasmani dan juga intelek.

Antara objektif Kem Bestari Solat adalah memastikan murid dapat:

1. Menguasai perlakuan wuduk serta bacaannya dengan betul dan sempurna
2. Menguasai bacaan dalam solat dengan lancar dan sempurna
3. Menghayati rasa kewajipan dan kepentingan solat dalam diri
4. Melaksanakan kewajipan solat fardhu lima waktu dengan lebih yakin dengan cara yang betul
5. Menjadi generasi yang berilmu, beriman dan bertakwa.

Program ini telah dilaksanakan dalam bentuk Latihan Dalam Kumpulan (LDK). Terdapat dua Latihan Dalam Kumpulan (LDK) yang telah dilaksanakan. LDK 1 memfokuskan kepada pemahaman murid secara teori dan praktikal mengenai amali solat merangkumi topik amali wuduk dan rukun solat merangkumi perlakuan dan bacaan dalam solat. Para peserta telah dibahagikan kepada beberapa kumpulan kecil yang terdiri dari murid tahap 1 dan tahap 2. Setiap kumpulan akan dibantu oleh 2 orang fasilitator dari kalangan pelajar UiTM. Latihan Dalam Kumpulan 1 melibatkan perkongsian fasilitator mengenai teori wuduk dan solat. Setelah selesai penerangan secara teori, fasilitator akan membimbing

murid melakukan amali wuduk dan amali solat di dalam kumpulan masing-masing bagi memastikan maklumat yang disampaikan dapat difahami oleh semua murid.



Gambar 1: Latihan Dalam Kumpulan

(LDK 1)

Manakala LDK 2 memfokuskan kepada pengukuhan dan pemahaman murid terhadap teori dan praktikal yang telah dipelajari dalam LDK 1. Bagi menjadikan program ini lebih menarik, LDK 2 telah dilaksanakan dalam bentuk *explorace*. Para peserta perlu menyiapkan tugas yang telah disediakan oleh para fasilitator. Para peserta perlu melengkapkan 5 *checkpoint* yang telah disediakan secara berkumpulan. Kumpulan terpentas yang dapat menyelesaikan kesemua *checkpoint* tersebut dikira sebagai pemenang.



Gambar 2: Latihan Dalam Kumpulan

(LDK 2)

Program ini telah diakhiri dengan majlis penutup yang merangkumi ucapan wakil dari kedua-dua belah pihak sekolah dan UiTM, majlis penyampaian hadiah kepada semua pemenang dan pemberian sijil penghargaan kepada semua fasilitator yang terlibat. Semoga program ini dapat memberi manfaat kepada para peserta dan memberi pengalaman baru kepada para pelajar UiTMCNS khususnya dalam menjayakan program bersama masyarakat di luar kampus. Akhir kata, semoga jalinan Kerjasama antara Akademi Pengajian Bahasa Kampus Kuala Pilah UiTMCNS dan Sekolah Kebangsaan Yamtuan Lenggang sentiasa utuh demi menjayakan transformasi

sosial dan kesejahteraan masyarakat.



Gambar 3: Sesi bergambar bersama semua pihak yang terlibat dalam Kem Bestari Solat